

Enhanced Powerline Safety Settings

[KEV TSO LUB SUAB NROV] Ntawm Pacific Gas and Electric Company peb lub luag hauj lwm uas tseem ceeb tshaj plaws yog kev nyab xeeb ntawm peb cov neeg siv hluav taws xob thiab peb cov cheeb tsam zej zos uas peb muaj cai los muab kev pab cuam rau. Vim tseem tab tom muaj kev phom sij loj zuj zus ntawm hluav taws kub hav zoov PG&E thiaj li tab tom txhim kho nws cov kev muab siab sib zog los muab kev tiv thaiv hluav taws kub hav zoov. Cov zwj ceeb huab cua qhuav heev thiab qhov kev kub txias nce siab zuj zus yuav ua rau muaj kev pheej hmoo txog ntawm kev hluav taws kub hav zoov siab zuj zus tuaj mus thoob plaws xeev California thiab Cov Xeev Nyob Rau Sab Hnub Poob Ntawm Teb Chaws Mes Kas.

Peb nkag siab txog qhov kev muaj xwm txheej kub ceev los mus qhib peb lub lab npauv hluav taws xob nod kom nyab xeeb lug rau hauv cheeb tsam ib puang ncig ntawm qhov chaw uas muaj kev hloov pauv sai no. Vim li ntawd peb thiaj tau siv cov kev ntsuas (maj tab kas) tiv thaiv kom muaj kev nyab xeeb uas tsis tau pom muaj dua ntxiv rau hauv qee cov cheeb tsam uas muaj kev pheej hmoo hluav taws kub hav zoov siab. Ib qho ntawm cov kev ntsuas (maj tab kas) no ntsig txog kev hloov kho cov kev teeb qhaj nyob rau ntawm cov cuab yeej muab kev pov thaiv ntawm cov xaim hluav taws xob dua tshiab. Peb tab tom kho qhov nrawm heev ntawm peb cov lub cuab yeej txiav hluav taws xob (breakers) thiab cov cuab yeej rov qab kaw hluav taws xob (reclosers), es kom lawv thiaj li txiav hluav taws xob tau sai dua qub yog hais tias muaj teeb meem txog rau txoj xaim hluav taws xob uas tseem muaj hluav taws xob khiav.

Daim vis dis aus no muab lub ntsiab lus qhia txog ntawm peb cov kev teeb qhaj uas tau hloov kho dua tshiab tag lawm thiab qhia txog tias lawv pab ua rau peb lub lab npauv muaj kev nyab xeeb dua qub tuaj ntau npaum li cas. Tab txawm tias cov kev hloov tshiab no tuaj yeem pab tiv thaiv tau cov hluav taws kub hav zoov tau los xij, nws kuj tseem tuaj yeem ua rau nquag muaj cov kev tua hluav taws xob ntau zaus dua thiab ntev dua rau peb cov neeg siv hluav taws xob. Peb lees paub tias kev tsis muaj hluav taws xob siv yog ib txoj kev nyuaj siab thiab peb xav qhia txog cov kauj ruam uas peb tab tom ua los txhim kho hluav taws xob kom ntseeg tau tias koj qhov kev siv hluav taws xob tsis muaj dab tsi cuam tshuam rau kev nyab xeeb.

Txhawm rau pab pov thaiv cov neeg siv hluav taws xob nyob hauv peb cov cheeb tsam zej zos nyob rau lub sij hawm muaj cov zwj ceeb huab cua qhuav thiab nkig heev no, peb tab tom hloov kho tshiab cov kev teeb qhaj ntawm cov kab hluav taws xob thiab cov cheeb tsam high fire threat district raws li tau tshab txhais tseg los ntawm California Public Utilities Commission. Kev hloov kho qhov nrawm heev thiab qhov ceev ntawm kev ua hauj lwm ntawm peb qhov cuab yeej tshiab yuav ua rau nws tuaj yeem tua hluav taws xob yam av tas naus mav tau ceev dua qub, yog hais tias lab npauv tshawb (txhom) tau ib qho teeb meem dab tsi uas muaj feem tshwm sim tau.

Peb lub lab npauv muaj ntau cov cuab yeej pov thaiv, cov cuab yeej txiav txoj kab hluav taws xob (circuit breakers), cov pob tawb hluav taws xob me uas nruab rau ntawm lub hauv paus cais hluav taws xob rau hauv tsev los yog hauv tsheb (fuses), cov cuab yeej rov qab kaw hluav taws xob (reclosers) uas ua hauj lwm zoo ib yam li cov lab npauv hluav taws xob hauv koj lub tsev. Yog hais tias muaj dab tsi cuam tshuam txawm yuav yog ib tus ceg ntoo los tsoo txoj xaim hluav taws xob xwb los xij, qhov ntawd yuav ua ib qho teeb meem txog rau qhov cuab yeej hauv nws tus kheej ces nws yuav pab kho cov cuab yeej pov thaiv thiab tua hluav taws xob. Nyob rau lub sij hawm uas muaj cov zwj ceeb huab cua phem tsawg tsis tshua nquag tshwm sim muaj kev tua hluav taws xob vim hais tias qhov cuab yeej ua hauj lwm nyob

zoo li qub tus yees lawm. Tas sis nyob rau cheeb tsam ib puag ncig tam sim nod uas yog hnuv no peb yuav tsum ua kom paub tseeb tias peb tab tom ua txhua kauj ruam ras li qho tuaj yeem ua tau txhawm rau txo kom tsis txhob muaj cov hluav taws kub hav zoov uas muaj kev puas tsuaj loj heev.

[KEV TSO LUB SUAB NROV]

Thaum hluav taws xob tuag lawm cov pab neeg uas ua hauj lwm ua ke mam li mus tshuaj ntsuam xyuas txoj xaim hluav taws xob txhawm rau saib seb puas muaj kev puas tsuaj. Muaj qee yam tau ua rau lub lab npauv tsis muaj hluav taws xob lawm. Yog li ntawd, peb yuav tsum xyuas kom paub tseeb tias tsis muaj teeb meem dab tsi uas yuav ua rau muaj hluav taws kub hav zoo tau thaum rov qab qhib hluav taws xob tuaj dua. Tuaj yeem ua cov kev tshuaj ntsuam xyuas uas yog mus ncig saib kiag hauv av los sis ya nyuj hoom kiv tshuab tuaj puag saum nruab ntug ncig saib los tau tib si.

Cov kev ncig saib xyuas hauv av tej zaum yuav tsum tau mus ko taw thiab hauv cheeb tsam nyuaj uas nkag mus tsis tshua tau. Qhov no yuav ua rau lub sij hawm uas hluav taws xob tuag ntawd yuav ntev me ntsis. Yog hais tias koj muaj cov xaim hluav taws xob nyob rau ntawm koj qhov av, tej zaum peb yuav tau nkag mus rau hauv koj qhov av ntawd txhawm rau thiaj li rov kho tau hluav taws xob kom rov qab siv tau li qub. Cov pab neeg uas ua hauj lwm ua ke yuav kho hluav taws xob kom rov qab siv tau li qub rau cov neeg siv hluav taws xob ua ib ntu zuj zus los sis ua mus raws cov kauj ruam yog hais tias txhua feem ntawm txoj kab hluav taws xob ntawd pom tias muaj kev nyab xeeb thiab npaj txhij rau kev rov qab qhib hluav taws xob tuaj lawm. Tes hauj lwm uas yuav tsum tau ua xub thawj ntawm peb yog tswj kom muaj kev nyab xeeb thaum tab tom kho kom muaj hluav taws xob siv zoo li qub kom sai li qhov tuaj yeem ua tau.

Nws tseem ceeb uas yuav tau nco ntsoov hais tias cov kev tua hluav taws xob vim los ntawm cov kev teeb qhaj ntawm lub cuab yeej uas hloov kho tshiab nws tsis yog cov xwm txheej Public Safety Power Shutoffs los sis PSPS . Qhov uas xam tias yog ib qho xwm txheej PPSPS mas yog hais ntsees txog rau kev tua hluav taws xob ua ntej ntawd lawm nyob rau lub sij hawm thaum muaj cov roj qhuav ua ke nrog cov zwj ceeb huab cua loj, cov kev tua hluav taws xob no thiaj li cuam tshuam txog rau peb cov kev teeb qhaj ntawm lub cuab yeej tshiab uas tsis tau npaj tseg ntawd. Cov teeb meem nod yuav tshwm sim thaum peb lub lab npauv ntsib ib qho teeb meem cuam tshuam los sis muaj ib qho teeb meem tshwm sim rau txoj xaim hluav taws xob ntawd. Vim tias peb tsis tau npaj tseg rau cov kev tua hluav taws xob no, peb thiaj li tsis muaj peev xwm muab kev ceeb toom paub ua ntej.

Li cas los xij peb yuav muab txhua cov ntaub ntawv qhia uas qhia tias thaum twg thiaj li mam rov qab qhib hluav taws xob tuaj rau peb cov neeg siv hluav taws xob kom sai li sia tau thaum peb tau cov ntaub ntawv ntawd lawm. Peb txhawb siab rau cov neeg siv hluav taws xob kom nkag mus saib peb lub vas sab (website) tau rau ntawm pge.com/outage txhawm rau saib cov kev hloov pauv tshiab txog ntawm cov kev tua hluav taws xob tam sim no. Peb paub txog txoj kev nyuaj siab uas tshwm sim los ntawm cov kev tua hluav taws xob no thiab tsuas yog tab tom siv qhov kev ntsuas (maj tab kas) tshiab no los pov thaiv peb cov neeg siv hluav taws xob thiab cov cheeb tsam zej zos nkaus xwb.

Ib qho piv txwv ntawm qhov kev ntsuas (maj tab kas) no yog kev txhim kho peb txoj kev nyab xeeb uas tau ua tiav nyob rau Lub Cuaj Hlis Ntuj 7, thaum muaj kwv yees li 1,000 cov neeg siv hluav taws xob hauv cheeb tsam Oakhurst tsis muaj hluav taws xob siv. Muaj PG&E ib tus kws txawj ua hauj lwm fab tev niv uas muaj ntawv pov thawj tso cai tau tuaj txog rau ntawm lub vas sab (website) txhawm rau nrhiav ib tsob ntoo oak tsos ntsuab uas tseem ciaj sia uas tau lov thiab poob los rau txoj xaim hluav taws xob uas

ua rau ob tug ncej txheem vau kiag lawm thiab txoj xaim hluav taws xob tseem nyob nrog nws. Qhov nrawm heev thiab qhov ceev ntawm cov cuab yeej pov thaiv uas nyob rau ntawm peb txoj kab hluav taws xob muab txiav hluav taws xob ntawm txoj xaim hluav taws xob no ua ntej nws yuav muaj cib fim los cig ua hluav taws. Qhov no tsuas yog ib qho ntawm ntau cov xwm txheej zoo sib xws uas pom muaj kev phom sij (teeb meem) tseem ceeb nyob rau ntawm txoj xaim hluav taws xob ntawd thiab peb lub lab npauv nws tau txiav hluav taws xob yam av tas naus mav lawm, uas muaj peev xwm tiv thaiv tau ib qho hluav taws kub hav zoov uas muaj kev puas tsuaj loj heev.

[KEV TSO LUB SUAB NROV]

Txij li tau siv cov kev teeb qhaj uas zoo txhij txhua thaum Lub Xya Hlis Ntuj 2021 los nod, peb pom tau hais tias nyob rau hauv California Public Utilities Commission nws muaj kev tshaj tawm qhia txog cov kev cig los sis hluav taws kub hnyiab nyob rau hauv cov cheeb tsam high fire threat districts tsawg heev li lawm. Raws li hauv qhov zwj ceeb uas yuam kev cov kev cig los sis hluav taws kub hnyiab no tuaj yeem ua rau muaj cov hluav taws kub hav zoov uas muaj kev puas tsuaj loj heev tshwm sim tau. Raws li peb cov kev tshawb nrhiav pom cov ntaub ntawv phiaj yeeg rau pom txog tias kev hluav taws kub hav zoov tau nqis los ntau dua 50% ntawm tus lej nruab nrab hauv peb lub xyoos dhau los thiab nqis los kwv yees li 60% ntawm xyoo dhau los ib lub xyoo nkaus xwb. Qhov no yog qhov kev txo qis kom tsis txhob muaj kev pheed hmoov txog cov hluav taws kub hauv zoov loj tshwm sim ntxiv lawm thiab pab pov thaiv lub neej txoj sia, vaj tsev thiab cheeb tsam ib puag ncig.

Peb tab tom ua hauj lwm yam mob siab rau txhawm rau txo qhov nquag tshwm sim, ncuaj sij hawm thiab qhov loj me ntawm cov kev tua hluav taws xob kom muaj tsawg. Peb tab tom ua qhov no los ntawm kev kho cov kev teeb qhaj kom haum zoo ntxiv rau cov phiaj kev npaj tua hluav taws xob kom raug raws li lub hom phiaj, los ntawm kev teb rau txhua cov kev tua hluav taws xob thiab cov cheeb tsam high fire threat districts kom sai thiab nyab xeeb tshaj plaws li qhov ua tau. Thiab txo ncuaj sij hawm ntawm cov kev tua hluav taws xob los ntawm kev kho npoo av thiab cov chaw saib xyuas huab cua kom tus sib txig.

Peb lees paub qhov kev nyuaj siab ntawm peb cov neeg siv hluav taws xob uas tau ntsib ntau qhov kev puas tsuaj los ntawm cov kev ntsuas (maj tab kas) tiv thaiv kom muaj kev nyab xeeb ntxiv no. Peb tab tom ua hauj lwm hnyav txhawm rau txhim kho peb cov neeg siv hluav taws xob qhov kev paub dhau los, nyob rau tib lub sij hawm ntawd kuj tseem muab kev nyab xeeb saib ua qhov tseem ceeb nyob nraim hauv peb lub plawv thaum peb txhua yam.

Peb muaj cov chaw muab kev pab cuam los pab peb cov neeg siv hluav taws xob npaj rau cov kev tua hluav taws xob thiab kom lawv nyob nyab xeeb. Piv txwv li, cov neeg siv hluav taws xob hauv peb qhov medical baseline program uas nyob hauv cov cheeb tsam muaj hluav taws kub hnyiab txaus ntshai heev tej zaum yuav muaj cai tsim nyog tau txais qhov khoos kas portable battery program. Qhov khoos kas generator rebate program yog ib qho kev pab cuam txo nqi rau cov neeg siv hluav taws xob uas siv los nqus qhov dej tshau (well water), cov neeg siv hluav taws xob uas nyob hauv peb qhov medical baseline program thiab qee cov lag luam me. Peb kuj tseem tau txhim kho peb cov kev ceeb toom thiab kev sib koom tes nrog cov neeg siv hluav taws xob tseem ceeb, cov neeg muab kev pab fab kev hu xov tooj thiab cov chaw ua hauj lwm hauv lub zej zos tib si.

Yog hais tias koj xav kawm paub ntau ntxiv txog cov chaw muab kev pab cuam no thiab lwm cov kauj ruam, uas peb tab tom ua los tiv thaiv kom tsis txhob muaj cov hluav taws kub hav zoov, koj muaj peev xwm nkag mus saib peb lub vas sab (website) tau rau ntawm pge.com/wildfiresafety. Tsis tas li ntawd

peb kuj tseem muaj cov chaw muab kev pab cuam txog kev npaj rau thaum muaj xwm txheej kub ntxhov ceev ntxiv ntawm [safetyactioncenter.pge.com](https://www.safetyactioncenter.pge.com) tib si. Yog hais tias koj muaj lus nug dab tsi, peb muaj cov neeg ua hauj lwm nraim los pab koj. Koj muaj peev xwm xa email mus rau peb pab pawg tau ntawm wildfiresafety@pge.com los sis hu rau 1-800-743-5000. Ua tsaug rau kev saib thiab thov kom muaj kev nyab xeeb.

[KEV TSO LUB SUAB NROV]